

դիվանի հետ, և դիվանի մուսթովֆիներին էր կախված, թե նրանց չուրաքանչյուր տարի որտեղ կուղարկեին իրենց ուճիկն ստանալու: Այդ պարզ երևում է նաև համեսալեի և ուճիկի թանխահի ֆերմանների համեմատությունից: Եթե թիուլների և համեսալեների նշանակման ֆերմաններում անպայման նշված էր լինում, թե հիշյալ թիուլդարն ու համեսալեդարը իր որոշյալ ուճիկը ամեն տարի ո՞ր օրջեկտից, ո՞ր գյուղերի համայնքներից, որքա՞նը կանխիկ դրամով և որքա՞նը բնամթերքով պիտի ստանա, ապա ուճիկի թանխահների նշանակման ֆերմաններում միայն նշվում էր ուճիկի գումարը և կարգադրվում բարձրագույն դիվանի մուսթովֆիներին, որ այդ ֆերմանը «արձանագրեն իրենց մատչաններում և ամեն տարի այդպիսիների նման նրանց թանխահ տան»²⁰: Ընդհանրության արժանի է նաև այն փաստը, որ թիուլ և համեսալե ստացողները կոչվում են «թիուլդար» և «համեսալեդար»²¹, այնինչ ուճիկի թանխահ ստացողները «թանխահդարներ» չեն կոչվել: Պետք է եզրակացնել, որ եթե թանխահ թիուլի և համեսալեի նման իր մեջ պարունակեր նաև որևէ օրջեկտից ստացվող հողային և այլ հարկերի որոշյալ ժամանակով գանձման իրավունք ստանալու իմաստը, ապա կարող էր թանխահ տերմինին զուգահեռ գոյություն ունենալ նաև «թանխահդար» տերմինը. մինչդեռ այդպիսի տերմին ոչ պատմական սկզբնաղբյուրներում և ոչ էլ արխիվային փաստաթղթերում մեզ չի հանդիպել և այլ ուսումնասիրողների կողմից ևս չի հիշատակվել:

Դիվանի գյուղերի ցուցակը, ինչպես ասվեց, գրանցված էր հատուկ մատչաններում և գտնվում էր չուրաքանչյուր երկրամասի մեծ վեղերի և մուսթովֆիների տրամադրության տակ: Որքանով որ այդ գյուղերը անհատների կամ կրոնական հաստատությունների սեփականությունը չեն եղել, ուստի դրանց վերաբերյալ իրավական (շարժի) փաստաթղթեր չեն պահպանվել: Միայն այդ գյուղերից գանձվող հարկերի ավելի մանրամասն աղյուսակներ և այլ փաստաթղթեր անշուշտ գտնվել են վերոհիշյալ դիվանական գրասենյակներում (դավթարխանե-յե դիվանե-ե ա՛լա) կամ այլ տերմինով ասած «ավարեջեի սարքարուլթունում» (սարքար-ե ավարեջե=հարկային տեսչություն), որոնք սակայն մեզ չեն հասել²²:

Այս հանգամանքը հնարավորություն չի տալիս պարզելու նաև, թե ինչպես էին որոշվում առանձին դիվանի գյուղերի ցանքատարածության սահմանները (քոֆշան): Մուլքային գյուղերի կալվածագրերում սովորաբար հիշատակված են տվյալ գյուղի սահմանները, իսկ դիվանի գյուղերի սահմանների ճշտման վերաբերյալ այդ կարգի վկայություններ չկան, որովհետև նրանք շուրջն կալվածագրեր: Պետք է կարծել, որ միմյանց հարևան դիվանի գյուղերի սահմանները որոշվել և ճշտվել են նրանց համայնքների ներկայացուցիչներից կազմված հատուկ հանձնախմբի կողմից, հենվելով հիմնականում ծերունիների վկայության վրա: Մեր ձեռքի տակ կան երկու արժեքա-

²⁰ مذكر ثبت نموده و سال بسال بدستور امثال 24, 28, 46, 74: *تَنْخَوَاهُ*

²¹ Նույն տեղում, էջ 32, 34, 56: *تاريخ شاه عباسی ثانی*, Լենինգրադի հանր. գր. Դարնի ցուցակ, № 303, էջ 270 բ, Մատենադարան, կթղվ. դիվան, թղթ. 1բ, վավ. 286, թղթ. 1գ, վավ. 251, թղթ. 2ա, վավ. 27 և այլն:

²² Տե՛ս Մատենադարանի պարսկ. վավերագրեր, I, Հրովարտակներ, պր. Բ, կազմեց Հ. Գ. Փափազյան, Երևան, 1959, էջ 212, 217, 218: